

czu eyne rechten erbe, das dem rate czu lehen get, und wir haben ym den selben acker gelygen czu eyne rechten erbe. Actum anno domini ut supra dominica die ante festum Johannis baptiste.

a) über die Zeile geschrieben

13.

1376 August 24

Jurbe Beyer verpfändet einen Garten

fol. 3r Wisset daz dy Jurbe Beyerin hat Hensel Leberinhufen gesaczt iren garten hatt vor 2 schock walhen gr bis uf unser vrawen tag den leczerin ubir eyn jar und des gartens sol her halp genisen, waz her mag und sal den halp vor czinse und vor schozzen und sal daran trete uf sende Michels tag, der nu schirs kumpt. Actum anno domini M^o CCC^o LXXVI^o in die Bartholomei.

14.

1376 August 30

Laurencius Rotrok verpfändet einen halben Garten und einen halben Hof.

fol. 3r ^aWisset daz Laurencius Rotrok hat Theodor Rudel gesaczt sin garten halp, der do liet by Osterwin, und sin hof halp, der vor Rudels gewest ist, vor 5 schok walhen gr von unser vrawen tage der leczerin uber dry jar. Wenne her ym in den dryn jaren sin gelt gibit, da sal der hofn und der garten lesig und los sin. Actum anno domini M^o CCC^o LXXVI^o in die Felicis et Aucti.

a) alles durchgestrichen

15.

1376 August 30

Laurencius Rotrok setzt Peter Crympczow als Treuhänder für eine Wiese und einen Acker ein.

fol. 3r Wisset daz Laurencius Rotrok hat Peter Crympczow czu vormundin gekorn ubir sine wisen und ubir sin acker, daz her da mite sal tun und lase czu vor seczene und czu vorkaufen wi her wil. Actum anno domini M^o CCC^o LXXVI^o in die Felicis et Aucti.